



Bosnia and Herzegovina  
Federation of Bosnia and Herzegovina

**CANTON SARAJEVO**  
**Government**

Broj: 02-04-27894-1/20  
Sarajevo, 28.07.2020. godine

## **Zastupnicima Skupštine Kantona Sarajevo**

**PREDMET:** Stavovi na amandmane zastupnika u Skupštini Kantona Sarajevo po materijalu koji se nalazi na dnevnom redu 27. Radne sjednice Skupštine Kantona Sarajevo, Prijedlog zakona o izmjenama Zakona o visokom obrazovanju-hitni postupak

Na **42. vanrednoj** sjednici Vlade Kantona Sarajevo održanoj **28.07.2020.** godine, a u funkciji pripreme **27. Radne sjednice** Skupštine Kantona Sarajevo, razmatrani su amandmani zastupnika u Skupštini Kantona Sarajevo Duraković Jasne i Kristić Danijele po materijalu koji se nalazi na dnevnom redu navedene sjednice, i to:

1. Amandman Duraković Jasne, zastupnice u Skupštini Kantona na Prijedlog Zakona o visokom obrazovanju ("Službene novine Kantona Sarajevo, 33/17),
2. Amandman Kristić Danijele, zastupnice u Skupštini Kantona Sarajevo na Prijedlog Zakona o izmjenama i dopunama Zakona o visokom obrazovanju.

Nakon razmatranja amandmana zastupnika u Skupštini Kantona Sarajevo, Vlada Kantona Sarajevo zauzela je sljedeće

### **STAVOVE**

#### **1. DURAKOVIĆ JASNA ZASTUPNICA U SKUPŠTINI KANTONA SARAJEVO**

**1.2. Na Prijedlog Zakona o visokom obrazovanju ("Službene novine Kantona Sarajevo", 33/17), podnosi sljedeći**

#### **AMANDMAN I**

U članu 78. Zakona o visokom obrazovanju ("Službene novine KS" "33/17") iza stava (6) dodaje se novi stav (7) koji glasi:

Student – roditelj djeteta s teškoćama u razvoju ima pravo da nastavi studij odmah nakon obnavljanja statusa studenta, ukoliko je status studenta prestao kao posljedica njege, odgoja i obrazovanja djeteta s teškoćama u razvoju, prema nastavnom planu i program po kojem je započeo studirati posebno ukoliko je u statusu apsolventa.

Postojeći stavovi (7), (8), (9) i (10) postaju stavovi (8), (9), (10) i (11).

### **Obrazloženje:**

Predloženim amandmanom na Zakon o visokom obrazovanju pokazuje se neophodna društvena odgovornost, osjetljivost i razumijevanje za roditelje djece s teškoćama u razvoju, omogućava se poboljšanje socio-ekonomskog statusa porodica kroz povećanje zapošljavanja završavanjem visokoškolskog obrazovanja, indirektnog smanjivanja socijalnih davanja društva kroz povećanje zapošljivosti roditelja djece s teškoćama u razvoju, kao i dugoročni uticaj na kvalitet života djece steškoćama u razvoju i njihovih porodica.

### **Stav predlagača:**

Amandman se ne prihvata.

### **O b r a z l o ž e n j e**

Članom 151. Poslovnika o radu Skupštine Kantona Sarajevo („Službene novine Kantona Sarajevo“ – Drugi novi prečišćeni tekst, broj: 41/12, 15/13, 47/13, 47/15, 48/16, 9/20 i 14/20) (u daljem tekstu: Poslovnik) utvrđeno je da se *“prijedlog za izmjenu i dopunu prijedloga zakona podnosi u obliku amandmana”*. Nadalje, Zaključkom Vlade Kantona Sarajevo, broj: 02-04-26253-3/20 od 23.07.2020. godine utvrđen je Prijedlog Zakona o izmjenama Zakona o visokom obrazovanju, objavljenog u “Službenim novinama Kantona Sarajevo”, broj: 33/17, odnosno konkretno izmjene člana 180. stav (7) i (16), po hitnom postupku.

Imajući u vidu predložene izmjene, odnosno da se iste odnose isključivo na član 180. stav (7) i (16) Zakona, a da je zastupnica Duraković Jasna podnijela jedan amandman na član 78. Zakona, te uvažavajući odredbu člana 151. Poslovnika (prednje citiranog) kao i člana 163. Poslovnika koji je trebao biti formalni osnov za podnošenje amandmana, s obzirom da se konkretne izmjene Zakona predlažu po hitnom postupku, Vlada Kantona Sarajevo nije prihvatila podneseni amandman, jer isti, iz prednje iznesenog nije podnesen na tekst Prijedloga Zakona o izmjenama Zakona, a koji je dostavljen Skupštini Kantona Sarajevo na razmatranje i odlučivanje.

## **2. KRISTIĆ DANIJELA ZASTUPNICA U SKUPŠTINI KANTONA SARAJEVO**

### **2.1. Na Prijedlog Zakona o izmjenama i dopunama Zakona o visokom obrazovanju.**

#### **Amandman I**

U članu 180. st. (7) i (16) Zakona o visokom obrazovanju („Službene novine Kantona Sarajevo“ broj: 33/17) mijenja se i glasi:

„(7) Lica koja su započela postdiplomski studij za scanje stepena magistra nauka/umjetnos idoktora nauka prema propisima koji su bili na snazi prije stupanja na snagu ovog zakona, imaju pravo steći naučni stepen magistra nauka/umjetnos odnosno doktora nauka zaključno sa 30.09.2025. godine.“

„ (16) Student koji je započeo studij po predbolonjskom sistemu studija ima pravo, u skladu sa zakonom, isti okončati do 30.09.2025 .godine.“

### **Obrazloženje:**

Napominjemo, da je predloženi stav prethodno prihvaćen i od strane Senata UNSA, Vijeća fakulteta, kao i od samog Ministarstva u aktuelnom nacrtu Zakona o izmjenama Zakona o visokom obrazovanju Kantona Sarajevo.

Činjenica je da na Univerzitetu u Sarajevu postoji oko 2000 studenata koji imaju opravdan interes da se izvrše gore predložene izmjene kroz navedeni Amandman.

### **Stav predlagača:**

Amandman se ne prihvata.

## **O b r a z l o ž e n j e**

Budući da se članom 180. st. (7) i (16) u Prijedlogu Zakona o izmjenama Zakona predlaže produženje postojećeg roka za okončanje postdiplomskog studija za sticanje stepena magistra nauka/umjetnosti i doktora nauka prema propisima koji su bili na snazi prije stupanja na snagu ovog zakona, za period od 2 (dvije) godine, odnosno tačnije do 30.09.2022. godine, predlagač je stava da je predloženi rok sasvim dovoljan za okončanje obaveza za 2017 studenata koliko ih trenutno studira po predbolonjskom sistemu studija. Nadalje, resorno Ministarstvo je trenutno u izradi nacrta novog teksta Zakona o visokom obrazovanju gdje bi se, između ostalog, trebalo razmotriti eventualno produženje navedenog roka. Trenutni prijedlog se odnosi na realizaciju nove školske 2020./2021. godine.

**P R E M I J E R**

**Mario Nenadić**

Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Skupština Kantona Sarajevo,
4. Sekretar Skupštine Kantona Sarajevo,
5. Premijer Kantona Sarajevo,
6. Evidencija,
7. A r h i v a.



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića 1



